



UNIVERSITÄTS-  
BIBLIOTHEK  
PADERBORN

**Florus Biblicus Seu Narrationes, Ex Veteri Testamento  
Selectæ**

**Pexenfelder, Michael**

**[S.l.], 1711**

XXVII. Exploratio Chana[n]itidis imbell. &c.

---

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

fuit ; Sola DEUS reprehensione in eum animad-  
vertit.

NARRATIO XXVII.  
EXPLORATIO CHA-  
NANITIDIS ET PUNI-  
TIO IMBELLIIUM.

Num. 13. 14. Anno Mundi 2545. Antè  
Ch. 1508.

**D** Emersis Arabico sinu, cum ipso Pharaone,  
turmis Cohortibusque Pharaonis; Moses,  
& præ Mose, Ductor Angelus, qui popu-  
lum, omni sine clade transportarat, ingentem sibi  
apud Israëlitas fidem, auctoritatè que compara-  
verunt. Unde factum est, ut, quocumque deinceps  
locorum, ac regionum traherentur, secuturos se  
promptis animis, ac pedibus præ se ferrent. Sed  
ut mobile plerisque mortalium esse solet ingenium;  
longè verò mobilissimum Hebrææ nationi, promp-  
titudinis illius ac obsequij constantiam non tenuere  
diuturnam; multò minùs perpetuam. Mutavit eo-  
rum mentes mutata loci facies, ab Ægyptiæ terræ  
cultæ forma plurimùm abludens. Ducebantur (&  
hoc, per annos quadraginta) squalidissimis Ara-  
biæ Petrææ solitudinibus; præcipuè que Desertò  
Pharanicò, cujus longitudo, latitudoque vel ipsi  
Germaniæ, regionum Europæ spatiosissimæ, certare  
queat. Causa tam longæ circumductionis erat im-  
bel-

bellis Hebræorum, quippe in servitute educato-  
rum, animus, & adversus hostium occurfus meti-  
culosus.

Sed lenivit incommodorum pleraque; multa  
quoque sustulit, aut emendavit, DEI paterna Provi-  
dentia: nam Hebræis oberrantibus ( ut sæpe jam  
dictum est ) Ductorem dedit Angelum: ambigen-  
tibus Directorem Mosen, & Oraculum; Sacrificatu-  
ris Pontificem Aaronem; famelicis cælestem  
mannæ cibum: siti confectis aquas dulces, & vivos  
in scopulis fontes: arsuris æstu solis, nubes ingens  
umbraculum: nuditate laboraturis, vestium invio-  
latam durationem: destitutis ope medica, corpo-  
rum firmitatem: domo carentibus, incorrupta pel-  
lium tentoria: vagis, in exilio medio, patriæ non-  
nullam faciem: nihil habentibus denique, semet-  
ipsum impendit, hoc est, OMNIA. Quò factum,  
ut si verè se, suaque bona novissent æstimare: desi-  
derare nihil, nisi modestiam, bonamque mentem  
potuerint.

Eò jam processerant in Deserto *Pbarane*, ut non  
procul *Cadesbarne*, Moabitarum civitate, castra po-  
nerent; suscipitur hîc consilium de Chananitide,  
terrarum felicissima occupanda; quæ cum jussu di-  
vino, manu esset armata iuvadenda; illi suo magis  
timori, quàm DEI imperio audientes, mittunt, qui  
regionis illius non fertilitatem modò, sed militare  
robur explorent; quâ pœnâ ignaviæ, mox recense-  
bimus.

Constitutum erat DEO Populum Hebræum, ma-  
ximis prodigijs ex Ægypto e ductum, in promissam  
Chananitidem, terram lacte, mellèque, hoc est,  
re-

rerum omnium ubertate manantem inducere, armis tamen & virtute capiendam. Nec erat difficilis futura pugna, quæ cælo auspice committenda. Sed quia contumacia non præter solitum capita, diffidentia opis ex alto ferendæ incessit, consultatur de re, quæ citra injuriam Numinis in deliberationem trahi non poterat. Mittuntur viri duodecim, totidem tribuum primarij, in quibus *Iosue* & *Caleb*, cum mandatis, diligenter ut explorent regionem ad eò decantatæ felicitatis, cumque fide referant, quæ viderint, compererintque: & quando regionis illius sæcunditas tantopere prædicaretur, fructus secum reportarent beatò solò natos, argumentum & specimen exploratæ terræ. Lustrant illi provinciam diebus admodum quadraginta, omnibusque exploratè cognitis, referunt diversissimi affectûs nuncium. Cæteros inter fructus apportatur ingentis magnitudinis palmes, recenti cum uva, supra Vectem duobus baiulis impositum. Ea telluris opimitas quantum allexit oculos, tantum absterruit animos ejus potiundæ difficultas. Exploratores quippe cæteri, præter *Iosuam* & *Caleb*, suo metu implere populum, malignis verbis in majus attollere regionis munimenta, urbium propugnacula, bellatorum robora, vasta incolarum corpora, quibus ipsi compositi, locustæ possint videri. Contrà *Caleb* & *Josue* suscipiendæ expeditionis elevare pericula, addere animos timidis, victoriam audentibus polliceri. Cùm verò explorationis socij non desisterent aggravare discrimina; vincente denique spem metu, solvitur indignatio in querelas & lacrimas. Quid enim? tot mensium & viarum labo-

res

tes frustra exantlatos; vanis promissis aures impleri;  
 terram ostentari i cuius possessionem nunquam sint  
 adituri: cum gigantibus bellum suscipiendum;  
 graviora jam se perpeti fornacibus Ægyptijs; satius  
 esse reverti eò, unde ventum, & inter homines ser-  
 vitudinem pati non famelicam, quàm cum liberis &  
 uxoribus miserimè perire in vasta solitudine. Res  
 proximè seditioem erat; onerantur contumelijs  
 ac vitijs gemini Ductores, Moses & Aaron; jam-  
 que nihil restabat, absterruit concitatos insolitus  
 de columna fulgore terrificis radijs supra tabernacu-  
 lum evibratus. Steterunt aliquamdiu stupefacti  
 eò spectaculò cervicosi homunciones; cum vox e-  
 tiam aures de cælo ferijt, cum minis pestiferam lu-  
 cem intentantibus; objecit iterum preces supplex  
 Moses, irasque Numinis hætenus mitigavit, ut jussi  
 redire viâ, quâ venerant, ( quidenim aliud mur-  
 muratio vesana quærebat ) longis annorum qua-  
 draginta ambagibus per deserta vagarentur; nemi-  
 nique omnium, qui vigesimum ætatis annum spe-  
 rarat, decretoriâ supremi Numinis sententiâ, pa-  
 teret aditus in fortunatam Chananitidis terram,  
 præterquam Josuæ & Calebo. Primi omnium de-  
 cem exploratores illi timiditatem suam subita mor-  
 teluerunt; quò suppliciò ceteri, more suo percul-  
 si, dum aggrediuntur rebellionem ignavam forti-  
 bus factis corrigere, ut stulti, dum vitant vitia, in  
 contraria currunt; præposterâ ruunt audaciâ præ-  
 cipites, & inconsultò Deò, Moséque dehortante,  
 movent in *Amalecitas* & *Amorrhæos*, alpestres Cha-  
 nanææ ragionis incolas; magnâque funduntur cla-  
 de. Qui hostilem effugerunt gladium, seris lacri-  
 mis

& Mosen, ( quorum erat consobrinus, quippe *Isaaci* genitus, fratre *Amramis*, illorum parentis ) exauctoraret, *Dathanem* sibi & *Abitonem* adjunxit, homines potentes & factiosos : & per hos, spectatissimum quemque, populóque maximè venerabilem ad partes suas traxit, ut conjuratorum convenirent ducenti, quinquaginta, patritij generis omnes, consiliique publici Senatores ; quorum omnium eò redibat Summa conjurationis, ut Mosen, Aaronemque magistratu depellerent : Huic Coren ; illi, quemcunque visum foret, è corpore suo subrogarent : ceteri sortibus inter se jactis, sacerdotia minora caperent Leviticæ stirpis essent : Aliarum autem stirpium tribules, populi præturas, præfecturas, tribunatúsque sibi partirentur. Quæ cuncta munia factiosi spe jam devorârunt ; adeò certâ quidem, ut, qui Sacris obeundis inhiabant, intra tentoria sibi quisque clanculùm acerras, thuribuláque præparanda curarent : uti, cùm tempus pastulâisset, ad adolendum accincti, progredierentur.

Jámque satis omnibus compositis, cùm ingenti cuncta motu, tumultúque miscerentur, crescente pessimorum hominum colluvie, conveniunt *Coritæ* pro divini Tabernaculi foribus, cum suis singuli thuribulis æneis ; aderant & Aaron thuribulô Pontificis aureô, Moses autem virgâ Iudicis instructus ; hic coràm maxima populi frequentia, quæ dixisset, fecissetque, Divini juxta præceptum Oraculi non ambitionis suæ comentò, dicta, factaque contestatus, dehiscens terræ sepulchrum, & ignium Inferorum supplicia interminatur rebellibus, linguas impias in DEUM potius ipsum

mis temerarium damnantes consilium , ad Arabica  
& inhospita saxa redierunt ; mox etiam ad ingeni-  
um suum reversuri ; id quod in *Coritarum* seditione,  
de qua statim memorabimus , nimis quàm palàm fe-  
cerunt. Terra Promissionis cœlum est, quod si pro  
uberiore telluris gleba & viribus fuit opus, & animo,  
dextrâque præsentî ! quâ confidentiâ sperant igna-  
ris? cœlesti patriâ se posituros, manibus in sinu com-  
pressis, cùm tamen asseverante supremo Imperatore,  
*Regnum Calorum vim patiatur, & violenti rapi-*  
*piant illud.* Matt. 11.

NARATIO XXVIII.

SEDITIONE ET IN-  
TERITUS CORAE.

DATHANIS, ABIRONIS,  
AC SOCIORUM.

Num. 16. Anno Mundi 2546. Antc Ch. 1505.

Item pœna violati Sabbathi. Num. 15.

blasphemiae. Levit. 24. neglectae

religionis Levit 10.

**C**ertus ad interitum gradus est, ambitioso ferrî  
in honores animo. Aaronem DEUS supre-  
mum Sacrorum Pontificem ; Mosén verò,  
tum Civilium causarum Judicem , tum Divinæ  
quoque voluntatis Internuntium declararat. Pun-  
gebat ea res *Coren* quendam, de Optimatum numero,  
Leviticæ virum propaginis, qui ut Aaronem simul  
& Mo-